

## **Izvještaj o radu Upravnog odbora i Predsjednika Udruženja za period 22.05.2016. – 21.05.2017.**

U proteklom izvještajnom periodu 2016-2017. godina Upravni odbor kao i Predsjednik Udruženja su poduzeli niz aktivnosti što se tiče lovstva i na vrijeme izvršavali svoje obaveze u skladu sa Zakonom o lovstvu, Statutom Udruženja i Pravilnicima Udruženja. Poduzeli smo niz aktivnosti u lovištima i na uređenju istih. U mjesecu junu i avgustu 2016.godine izvršili smo čišćenje terena od štetočina za prihvata i puštane fazana. U tom periodu smo izvršili i sve pripreme za otvaranje lovne sezone uz dobijenu saglasnost resornog ministarstva. Na jednoj od zajedničkih sjednica sa stručnom službom, a u skladu sa odlukom Skupštine odabrali smo ovlaštenu agenciju za izradu lovno-privredne osnove i odmah poduzeli aktivnosti oko izrade iste te potpisali ugovor sa agencijom „Lovac-projekt“ iz Gračanice. Mogu sa zadovoljstvom da istaknem da smo na vrijeme dostavili svu potrebnu dokumentaciju kako ne bi došlo do kašnjenja u dinamici izrade lovno-privredne osnove.

Također mi je zadovoljstvo da vas obavjestim da je lovno-privredna osnova na vrijeme urađena i prva u ZE-DO kantonu dobila saglasnost resornog ministarstva i stručne komisije koju je formiralo Federalno ministarstvo poljoprivrede, vodoprivrede i šumarstva, i naravno ocjenjena je visokom ocjenom. Davanjem saglasnosti na lovno-privrednu osnovu resornog ministarstva ispunili smo svoju obavezu iz Ugovora o dodjeli lovišta na deset godina i dobili kvalitetan dokument za dugoročno planiranje odnosno desetogodišnje planiranje razvoja lovstva u našem lovištu koje nam je dodjeljeno na gazdovanje. Na jednoj od sjednica Upravnog odbora je donio odluku da se svim sekcijama kopira lovno-privredna osnova i dodjeli na korištenje, što sam i uradio i na svečanom dijelu Skupštine iste ćemo uručiti predstavnicima sekcija. Upravni odbor je poduzeo niz mjera oko implementacije i provedbe Zakona o lovstvu.

Za ispunjenje uvjeta za lov sa lovačkim psima organizovali smo smotru i to jednu u ekstrerijskom izgledu i prvi put smotru ispita urođenih osobina. Pored navedenog izvršili smo i vakcinisanje pasa protiv bjesnila, tetoviranje i čipovanje lovačkih pasa. Odziv na ove aktivnosti bio je zadovoljavajući.

Kao Predsjednik Udruženja u skladu sa članom 59. Statuta Udruženja paralelno sa navedenim aktivnostima pokrenuo sam i postupak oko povrata imovine Društva (bivša fazanerija) u vlasništvu Udruženja. Uspješno sam proveo aktivnosti jer sam dobio Rješenja suda br.041-0-16-004115 da je ta imovina uknjižena u vlasništvo Lovačkog društva 1/1 sa navedenim argumentovanim činjenicama i naravno rezultatima rada kako Lovačkog društva tako i našim najaktivnijim članovima. Ova opšta ocjena rada društva je na zadovoljavajućem nivou. Međutim sa posljednjih dešavanja, a vezana su za legalnosti djelovanja pojedinaca i grupa u organima Udruženja stanje se pogoršalo i navest ću samo nekoliko pokušaja opstrukcije rada pojedinaca i grupa u organima Udruženja. Po anonimnom dopisu grupe lovaca resornom ministarstvu, a u vezi sa dešavanjima u Udruženju dobio sam dopis kojim mi je zatraženo da dostavim određenu dokumentaciju vezano za nepravilnosti koje su dio anonimnog pisma. Odmah sam pristupio prikupljanju dokumentacije koja je tražena od Udruženja.

Odnosi se na legalnost prijema u Lovačko društvo gospodina Kurgaš Refika i da li isti ima položen lovački ispit. Pošto u arhivi nema nikakve dokumentacije o ovom pitanju, a dotični je upisan u Matičnu knjigu i primljen u Lovačko društvo "SRNDAĆ" bez ikakve dokumentacije koja je po članu 23. Statuta potrebna da bi neko postao član našeg Društva. U daljim aktivnostima i to preko Saveza Lovačkih organizacija u BiH i Lovačkog društva "Igman" Ilidža dobili smo odgovor da imenovani nema položen lovački ispit i da iz Lovačkog društva "Igman" Ilidža nije dobio nikakvu dokumentaciju jer kod prijema u naše Udruženje nije ni bio član Lovačkog društva "Igman" Ilidža. Kompletnu postojeću dokumentaciju sam dostavio Ministarstvu i Federalnom inspektoratu u skladu sa članom 59. Statuta i dobio naredbe resornog

ministarstva i inspektora da provedem naložene mjere po njihovim rješenjima. Kada sam pokušao da to uradim protiv mene je provedena kampanja od strane pojedinih članova među kojim se isticao Lovovođa Udruženja sa osporavanje mojih aktivnosti vezanih za ovu problematiku. O svemu ovome sam obavjestio i Nadzorni odbor koji mi je naložio da poduzmem mjere u skladu sa Statutom i zakonski naloženim mjerama od lovnog inspektora. Kada sam ponovo pokušao provesti naložene mjere od Nadzornog odbora spriječen sam od grupe članova samozvane većine Upravnog odbora. Ono što sam mogao uraditi je da naložene mjere Nadzornog odbora kao i kompletnu dokumentaciju vezanu za ovaj slučaj predam u MUP Visoko na daljnje postupanje.

Na sjednici 03.04.2017. godine Upravni odbor je donio odluku da se zakažu Zborovi sekcija kako bi mogli održati redovnu Skupštinu Udruženja i dostaviti određenu dokumanciju na osnovu koje bi dobili saglasnost za odobrenje lova za lovnu sezonu 2017/2018. godina. Rok za održavanje Zborova je određen 23.04.2017.godine. Pošto sekcija Moštre nije održala Zbor zbog nedostatka kvoruma samim tim je po Statutu Udruženja izgubila pravo da prisustvuje sa svojim delegatima na Skupštini Udruženja. Tada je došlo do opstrukcije od strane članova Upravnog odbora na čelu sa Lovovođom društva Bešlić Muamerom koji je u to ime nezakonito sazvaio sjednicu Upravnog odbora i istom predsjedavao gdje su izdali nalog Predsjedniku skupštine da sazove Vanrednu skupštinu što je u suprotnosti sa Statutom. Također sam iz mnogo izvora saznao da je Lovovođa društva danas sazvaio Vanrednu skupštinu društva što je suprotno Statutu Udruženja.

Predlažem Skupštini Udruženja da danas usvajanjem ovog izvještaja daju svoju Saglasnost za vođenje disciplinskog postupka protiv Lovovođe Udruženja i drugih koji su radili i djelovali suprotno Statutu Udruženja, donesu Odluku da se preko organa Udruženja ispitaju navedene aktivnosti pojedinaca i grupa koje su učestvovala u nelegalnim radnjama te protiv istih poduzmu odgovarajuće disciplinske mjere u skladu sa Normativnim aktima Udruženja.

Na kraju koristim priliku da zaželim vama i vašim porodicama puno zdravlja i sreće u životu.

Dobar pogled!

**PREDSJEDNIK UDRUŽENJA  
ULD «SRNDAC-VISOKO» Visoko**

*Čurir Mirsad*